



JUDISIAL SISTEM MONITORING PROGRAMME

PROGRAMA DE MONITORIZASAUN DO SISTEMA JIDISIAL

Komunikadu Imprensa

17 Setembru 2012

JSMP organiza treinamentu loron rua ba grupu juventude feto iha Suco Manapa Distritu Bobonaru

JSMP organiza treinamentu loron rua tutuir malu iha loron 12 no 13 Setembru 2012, ba grupu joventude feto iha Suco Manapa, Sub-distritu Kailaco, Distritu Bobonaro. Treinamentu ne'e fasilita direktamente husi staf no Kordenadora Unidade Justisa ba Feto (WJU) iha área refere.

Treinamentu ne'e kobre kona-ba Lei Kontra Violénsia Doméstika no Kódigu Penál no Prosesu Penál husi perspectiva jéneru. Aktividade ne'e realiza fokus deit ba grupu limitadu feto nain 20 iha suco ne'ebá.

Treinamentu ne'e ho objetivu atu hasa'e koñesimentu grupu juventude sira, liu liu juventude feto sira ne'ebé asume responsabilidade iha suco laran nune'e bele haklean tan sira nia koñesimentu konabá asuntu violénsia bázeia ba jeneru, haktuir Diretór Ezekutivu JSMP Luis de Oliveira Sampaio.

Tuir Xefe Suco Manapa nian haktuir katak "programa treinamentu ne'e importante duni ba joventude sira iha nia suco tanbá liu husi programa treinamentu ne'e bele hamenus número violénsia doméstika iha sira nia suco.

JSMP observa katak aktividade treinamentu ne'e hetan antusiasmu masimu husi estrutura suco ne'ebé fo apoiu maximu ba realizasaun programa ne'e nomos hetan partisipasaun ativu husi partisipante tomak iha seksaun diskusaun.

JSMP hein katak ho atividade treinamentu hirak ne'e, bele kontinua hametin diak liu koñesimentu comunidade iha área rural sira, no liu-liu atu fasilita sira nia koñesimentu kona-ba prosedimentu legal ba prosesu kazu violénsia bázeia ba jéneru

Programa treinamentu ne'e realiza tanbá hetan suporta finanseiru husi **The Royal Norwegian Embassy** iha Jakarta-Indonézia.

Atu hetan informasaun kompletu kontaktu:

Luis de Oliveira Sampaio

Direitor Ezekutivu JSMP

Número Kontaktu : 3323883/77810637

Email, luis@jsmp.minihub.org